

BIOGRAFIJA TUŽIOCA MILORADA BARAŠINA



Tužilac Milorad Barašin rođen je 15.01.1961. godine u Srpcu, opština Srbac, Bosna i Hercegovina. Pravni fakultet završio je u Banja Luci 1985. godine.

Pripravničku praksu obavljao je u Osnovnom sudu u Srpcu, a Pravosudni ispit je položio u Sarajevu 1987. godine. Nakon položenog

Pravosudnog ispita bio je stručni saradnik dvije godine u Osnovnom sudu u Srpcu, a nakon toga je imenovan za sudiju istog Suda, radio je na krivičnom referatu, a početkom 1992. godine izabran je za osnovnog javnog tužioca u Srpcu gdje je radio do reforme pravosuđa u Bosni i Hercegovini.

Tužilac Milorad Barašin je prvi od kadrova u BiH koji je iz jednog entiteta prešao da radi u drugi, i 21.07.2003. godine počeo je sa radom kao glavni kantonalni tužilac u Kantonalnom tužilaštvu kantona X (Livanjski kanton) gdje je radio do 01.03.2007. godine, kad je izabran za tužioca Tužilaštva/Tužiteljstva BiH te odmah raspoređen u Tim I Posebnog odjela za ratne zločine.

Od 15.11.2007. godine preuzeo je dužnost zamjenika Glavnog tužioca Tužilaštva BiH, a na koju funkciju je imenovan od strane VSTV na sjednici 15.11.2007. godine. Objavio je nekoliko radova iz pravosudne oblasti, a najnoviji objavljen stručni rad, u kojem je tužilac Barašin koautor, je rad na temu "Komandna odgovornost". Tužilac Barašin u pravosuđu radi već 22 godine.